



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XLVIII. Qui eodem crimine est infectus, contra alium non potest testificari, cum nulli de se confessio, aduersus alium in eodem crimine sit credendum.

urn:nbn:de:hbz:466:1-15588

C A P. XLVII.

*Alexander III. Cantuariensi archiepiscopo.*ANNO
CHRISTI
1179.

Veniens ad nos cum literis tuis L. presbyter tuus, supplici nobis relatione monstrauit, & hoc idem tuæ literæ continebant, quod cum in ecclesia * Ouen. institutus fuisset, ei fuit obiectum, quod in ecclesia ipsa non canonice habuisset ingressum, videlicet quod prius promisisset unicuique parochianorum barile vini remittere, quod sacerdoti eiusdem ecclesiæ, qui pro tempore ibi seruiret, consueuerat pro beneficio dari. Verum cum duo apparuissent, qui iurati deposuerunt presbyterum talem fecisse promissionem, & cum altero illorum paetum illud dicerent factum fuisse: tu pro presbytero, vt decuit, & rationis exigit ordo, iudicasti: & nos sententiam tuam, prout dignum est, commendamus; eo quod ille qui eodem infectus erat criminе, non posset contra alium testificari, cum etiam nulli de se confessò aduersus alium in eodem criminе sit credendum, & unus testis non sufficiat ad cuiuslibet rei probationem. Sane quod in literis inferuisse diceris, parentes suos promisisse, vt infra quindecim dies eidem ecclesiæ deberet spontanee cedere: prudentiæ tuæ significamus, quod ipsum, cum de conscientia sua promissionem factam fuisse diffiteatur, super hoc monere potes atque hortari, sed eivim nullam debes inferre. Ideo fraternitati tuæ per apostolica scripta præsentibus mandamus, quatenus sententiam tuam facias firmiter obseruari, prædicto L. ecclesiam ipsam cum omni iure suo integrā & illibatam conseruans, parochianos eiusdem ecclesiæ ad iura sua sibi soluenda, diligenter commoneas, & appellatione remota compellas. Si autem exinde aliqua laborat infamia, ei cum quinta manu vel tertia dumtaxat, sui ordinis purgationem indicas. Qua recepta, eum ab infamia nota incunctanter absoluas.

C A P. XLVIII. *Idem Panormitano archiepiscopo.*

In archiepiscopatu tuo dicitur contigisse, quod quandoque Saraceni mulieres Christianas rapiunt & pueros, & eis abuti præsumunt, & quosdam etiam interdum occidunt. Cum autem excessus huiusmodi carissimus in Chri-

^{ANNO CHRISTI} ^{1179.} Isto filius noster illustris rex Siciliae, tibi & aliis personis ecclesiasticis, quae pontificali supereminent dignitate, commisit puniendos: quid de Sarracenis agendum sit, qui fuerint in nefario scelere intercepti, nos duxit prudentia tua consulendos. Super quo utique tuæ consultationi taliter respondemus, quod si tales in tua iurisdictione sint vel fuerint postmodum intercepti, pecunaria poteris eos poena mulctare, & etiam flagellis afficere: ea tamen moderatione adhibita, quod flagella in vindictam sanguinis transfire minime videantur. Si vero fuerint ita super hoc graues Sarracenorum excessus, quod mortem vel truncationem membrorum debeant sustinere, vindictam ipsam referues regiae potestati.

C A P. XLIX.

De illo autem qui se vxorem fratrii sui, antequam ei matrimonio iungeretur, cognouisse proponit, hoc tuæ prudentiae respondemus, quod nisi fuerit publicum & notoriū, aut idoneis testibus approbatum, ipsum prius prædictam mulierem carnaliter cognouisse, prædictum matrimonium occasione illa dirimi non permittas.

Super eo vero, quod asseris Sarracenum quemdam de muliere quadam Christiana, quam quatuordecim annos tenuerat, filios suscepisse: discretioni tuæ duximus respondendum, quod tam Sarracenus quam mulier pro tanto excessu graui sunt animaduersione plectendi.

C A P. L. *Lucius tertius * Curenſi episcopo, in registro.*

Ex tuarum literarum continentia intelleximus, quod cum H. presbyterum, quia infamabatur de homicidio, communicato fratrum consilio, in episcopatu tuo a sacerdotali officio suspendisses: prædecessoris tui literas tulit in medium, quibus apparuit eum iudicio aquæ frigidæ suam innocentiam purgauisse, & episcopum suis illum literis absoluuisse. Scholares etiam qui homicidium, instigante diabolo, perpetrauerant, * immunes ipsos a crimine, tactis sacrosanctis euangeliis, affirmauerunt. Quia vero cum peregrina iudicia a sacris Canonibus sint inhibita, purgationem quam præstitit non sufficere putantes: fraternitati tuæ per apostolica scripta mandamus, quatenus si accu-

* f. im-
munem
ipsum